

御定全唐诗

全唐詩目 第一函

第六冊

樂府 八卷至十卷

全唐詩

雜曲歌辭

詩之流有八名曰行引曰歌曰謠曰吟曰詠曰怨曰歡皆六義之餘也其協聲律播金石總謂之曲

秦女休行

李白

西門秦氏女秀色如瓊花手揮白楊刀清晝殺讐家羅
袖灑赤血英聲集作氣凌紫霞直上西山去關吏相邀遮堦
爲燕國王身被詔獄加犯刑若履虎不畏落爪牙素頸
未及斷摧眉伏泥沙金雞忽放赦太辟得寬賒何慙聶
政姊萬古共驚嗟

出門行二首

孟郊

長河悠悠去無極百齡同此可歎息秋風白露霑人衣
壯心凋落奪顏色少年出門將訴誰川無梁兮路無岐

一聞陌上苦寒奏使我伫立驚且悲君今得意厭梁肉
豈復念我貧賤時

海風蕭蕭天雨霜窮愁獨坐夜何長驅車舊憶太行險
始知遊子悲故鄉美人相思隔天闕長望雲端不可越
手持琅玕欲有贈愛而不見心斷絕南山峩峩白石爛
碧海之波浩漫漫參辰出沒不相待我欲橫天無羽翮

同前

元稹

兄弟同出門同行不同志悽悽分岐路各各營所爲兄
上荆山巔翻石辨虹氣弟沈滄海底偷珠待龍睡出門
不數年同歸亦同遂俱用私所珍升沈自茲異獻珠龍
王宮值龍覓珠次但喜復得珠不求珠所自酬客雙龍

女授客六龍轡遣充行雨神雨澤隨客意零夏鐘鼓繁

榮秋玉帛積彩色畫廊廟奴僮被珠翠驥駟千萬雙鴛

鴛七十二言者禾稼枯

集作未
播舌

無人敢輕議其兄因獻璞

再則不履地門戶親戚疎匡牀妾妾棄銘心有所待視

足無所愧持璞自枕頭淚痕雙血漬一朝龍醒寤本問

偷珠事因知行雨偏妻子五刑備仁兄捧屍哭勢友掉

頭諱喪車黔首葬帛客青蠅至楚有望氣人王前忽長

跪賀王得貴寶不遠王所莅求之果如言剖則集作浮雲

集作膩白珩無顏色垂棘有瑕累在楚刈地封入趙連城

貴秦遣李斯書書爲傳國瑞秦亡漢魏傳傳者得神器

卞和名永永與寶不相墜勸爾出門行行難莫行易易

得還易失難同亦難離善賈識貪廉良田無稂稊磨劒
莫磨錐磨錐成小利

出自薊北門行 李白

虜陣橫北荒胡星曜精芒羽書速驚電烽火晝連光虎
竹救邊急戎車森已行明主不安席按劒心飛揚推轂
出猛將連旗登戰場兵威衝絕漠殺氣凌穹蒼列卒
赤山下開營紫塞傍途窮冬沙風緊旌旗颯凋傷畫
角悲海月征衣卷天霜揮刃斬樓蘭彎弓射賢王單于
一平蕩種落自奔亡收功報天子行歌歸咸陽

薊門行五首 高適

邊城十一月雨雪亂霏霏元戎號令嚴人馬亦輕肥羌

胡無盡日征戰幾人歸

幽州多騎射結髮重橫行一朝事將軍出入有聲名紛
紛獵秋草相向角弓鳴胡無盡日征戰幾人歸
薊門逢古老獨立思氛氲一身既零丁頭鬢白紛紛勲
庸今已矣不識霍將軍胡無盡日征戰幾人歸
茫茫集作長城外日沒更煙塵胡騎雖憑陵漢兵不顧身
古樹滿空塞黃雲愁殺人胡無盡日征戰幾人歸

漢家能用武開拓窮異域戍卒厭糠覈降胡飽衣食開
亭試一望吾欲涕集作霑臆胡無盡日征戰幾人歸

同前

李希仲

旄頭有精芒胡騎獵秋草羽檄南渡河邊庭用兵早漢

家愛征戰宿將今已老辛苦羽林兒從戎榆關道一身

救邊速烽火連

集作通

薊門前軍鳥飛

集作飛鳥

斷格鬪塵沙昏寒

日鼓聲急單于夜火

集作將

奔當須徇忠義身死報國恩

身整

速以下集

另作一首

君子有所思行

李白

紫閣連終南青冥天倪色憑崖望咸陽宮闕羅北極萬

井驚畫出九衢如弦直渭水清銀河

集作銀河清

橫天流不息

朝野盛文物衣冠何翕輶廐馬散連山軍容威絕域伊

臯運元化衛霍輸筋力歌鐘樂未休榮去老還逼圓光

過滿缺太陽移中昃不散東海金何爭西輝

集作飛

匿無作

牛山悲惻愴淚霑臆

同前僧貫休

我愛正考甫思賢作商頌我愛揚子雲理亂皆如鳳振
衣卽夜起露花香旖旎撲碎驪龍明月珠敲出鳳凰五
色髓陋巷蕭蕭風淅淅緬想斯人勝珪璧寂寥千載不
相逢無限區區盡虛擲君不見沈約道佳人不在茲春
光爲誰惜

安得龍猛筆點石爲黃金散問

一作

酷吏家使無貪殘心

甘棠密葉成翠幄頽鳳不來天地塞所以

集有傾國二字

傾城人

如今

集有如今二字

不可得

傷歌行

張籍側調曲

黃門詔下促收捕京兆君

一作

繫御史府出門無復部曲

隨親戚相逢不容語辭成謫尉南海州受命不得須臾
留身著青衫騎惡馬東門之東集作外無送者郵夫防吏急
喧驅往往驚墮馬蹄下長安里中荒大宅朱門已除十
二戟高堂舞榭鎖管弦美人遙望西南天

同前

孟郊

眾毒蔓貞松一枝難久榮豈知黃庭客仙骨生不成春
色含芳蕙秋風遠枯莖彈琴不成曲始覺知音傾館月
改舊照弔賓寫餘情還舟空江上波浪送銘旌

同前

莊南傑

兔走鳥飛不相見人事依稀速如電王母天桃一度開
玉樓紅粉千回變車馳馬走咸陽道石家舊宅空荒草

秋雨無情不惜花芙蓉一一驚香倒勸君莫謾栽荆棘
秦皇虛費一作負驅山力英風一去更無言白骨沈埋暮山
碧

悲歌 李白

悲來乎悲來乎主人有酒且莫斟聽我一曲悲來吟悲
來不吟還不笑天下無人知我心君有數斗酒我有三
尺琴琴鳴酒樂兩相得一杯不啻千鈞金悲來乎悲來
乎天雖長地雖久金玉滿堂應不守富貴百年能幾何
死生一度人皆有孤猿坐啼墳上月且須一盡杯中酒
悲來乎悲來乎鳳鳥不至河無圖微子去之箕子奴漢
帝不憶李將軍楚王放却屈大夫悲來乎悲來乎秦家

李斯早追悔虛名撥向身之外范子何曾愛五湖功成名遂身自退劍是一夫用書能知姓名惠施不肯千萬乘卜式未必窮一經還須黑頭取方伯莫謾白首爲儒生

悲哉行

孟雲卿

孤兒去慈親遠客喪主人莫吟苦辛曲誰忍聞可聞集釋
誰忍聞可聞不可說去去無期別行人念前程不待參辰沒
朝亦常苦飢暮亦常苦飢飄飄萬餘里貧賤多是非少
年莫遠遊遠遊多不歸

同前

白居易

悲哉爲儒者力學不能知

集釋

疲讀書眼欲暗秉筆手生胝

十上方一第成名常苦遲縱有宦達者兩鬢已成絲可
憐少壯日適在窮賤時丈夫老且病焉用富貴爲沈沈
朱門宅中有乳臭兒狀貌如婦人光明膏梁肌手不把
書卷身不擐戎衣二十襲封爵門承勲戚資春來日日
出服御何輕肥朝從博徒飲暮有倡樓期評集封還酒
債堆金選蛾眉聲色狗馬外其餘一無知山苗與澗松
地勢隨高卑古來無奈何非君獨傷悲

同前 鮑溶

促促晨復昏死生同一源貴年不懼老賤老傷久存朗
朗哭前歌絳旌引幽魂來爲千金子去臥百草根黃土
塞生路悲風送回轅金鞍舊良馬四顧不出集門生結

千歲念榮及百代孫

集作榮華及百孫

黃金買性命白刃讐

集作一

言寧知北山上松柏侵田園

妾薄命

崔國輔

雖入秦帝宮不上秦帝牀夜夜玉窗裏與他卷羅

集作衣裳

同前

武平一

有女妖且麗
裴回湘水湄
水湄蘭杜芳
采之將寄誰
瓠犀發皓齒
雙蛾嚙翠眉
紅臉如開蓮
素膚若凝脂
綽約多逸態
輕盈不自持
常矜絕代色
復恃傾城姿
子夫前入侍
飛燕復當時
正悅掌中舞
寧哀團扇詩
洛川昔云遇
高唐今尙違
幽閣禽雀噪
閑堦草露滋
流景一何速
年華不可追
解佩安所贈
怨咽空自悲

同前 李百藥

團扇秋風起長門夜月明
羞聞拊背人恨說舞腰輕
太常應集作先已醉劉君怕帶醒
橫陳每虛設吉夢竟何成

同前 杜審言

草綠長門閉集作掩苔青永巷幽
寵移新愛奪泣下故情留

啼鳥驚殘夢飛花攪獨愁
自憐春色罷團扇復迎秋

同前 劉元淑

自從離別守空閨遙聞征戰起集作赴雲梯夜夜愁集作思君遼

海外

集作北

年年棄妾渭橋西陽春白日照空暖紫燕銜花

向庭滿綵鸞琴裏怨聲多飛鵲鏡前妝梳斷誰家夫婿
不從征應是漁陽別有情莫道紅顏燕地少家家還似

洛陽城且

旦集作

逐新人殊未歸還令秋至夜霜飛北斗星

前橫度

旅集作

雁南樓月下擣寒衣夜深聞鴈腸欲絕獨坐

縫衣燈又滅暗啼羅帳空自憐夢度陽關向誰說每憐

容貌宛如神如何薄命不勝人願君朝夕燕山至好作

明年楊柳春

同前

李白

漢帝重

一作寵

阿嬌貯之黃金屋咳唾落九天隨風生珠玉

寵極愛還歇妒深情却疎長門一步地不肯暫回車兩

落不上天水覆難再

一作重難

收君情與妾意各自東西流昔

日芙蓉花今成斷根草以色事他人能得幾時好

同前

孟郊

不惜十指弦爲君千萬彈常恐新聲至

一作發

坐使

一作使我

故聲

一作曲

殘棄置今日悲卽是昨日歡將新變故易持故爲新

難青山有蘼蕪淚葉長不乾空令後代人采掇幽思攢

一作思

幽蘭

同前

張籍

薄命婦良家子無事從軍去萬里漢家天子平四夷護
羌都尉裹屍歸念君此行爲死別對君裁縫泉下衣與
君一日爲夫婦千年萬歲亦相守君愛龍城征戰功妾
願青樓歡樂同人生各各有所欲詎得將心入君腹

同前三首

李端

憶妾初嫁君花鬢如綠雲回燈入綺帳對

一作轉

面脫羅裙